

সেদিন

সেদিন সকাল ঘুম তোমায় নিয়ে ভেঙেছিলো
প্রভাতের শব্দগুলো তোমাকে আঘাত করেছিলো
তুমিও কিছু কম নও
তোমার শব্দে রাতে আমাকে কাদিয়েছিলো

তুমি দেখেছো কি-না জানিনা
কিন্তু সেদিন আকাশ নতুন রূপে সেজেছিলো
আকাশে মেঘেদের বাসর হয়েছিলো
বৃষ্টিরা পাহারা দিচ্ছিলো

আমি তোমায় খুজছিলাম
সারাক্ষণ তোমার দিকে তাকিয়ে ছিলাম
মাঝে মাঝে মেঘেদের মিলনও দেখছিলাম
ভাবছিলাম তোমাকে নিয়ে মেঘেদের কাছে যাব
জিজ্ঞেস করব তারা কিভাবে ভালোবাসে

কিন্তু কিছুই করতে পারলাম না
তোমার রূপ আমার হৃদয়কে গ্রাস করে নিলো
তোমার বিস্ময়কর হাসি যেন আমায় আবার মৃত্যুবরণ করতে উৎসাহিত করল
পাগলের মত তাকিয়ে রইলাম তোমার দিকে
কিন্তু তোমার দৃষ্টি কেন জানি আমার হতে চাইলো না

তোমার ঠোঁটে সেদিন অনেক খুশি ছিল
গোলাপি রঙে কত সুন্দর করেই না সেজেছিলো তারা
তাদের আরো একটু রঙিন করতে চেয়েছিলাম
কিন্তু মন অনুমোদন দিল না

তোমার জন্য একটা গোলাপ এনেছিলাম
তোমায় গোলাপটা দিব ভাবছিলাম
ভেবেছিলাম তাকে বলব সেও যেন তোমার মতো করে সাজে
কিন্তু আবারো মনের অনুমোদন না পাওয়ায় তোমায় গোলাপটা দেওয়া হলো না

তোমার চোখে সেদিন খুবই চঞ্চল ছিলো
কোনোভাবেই তাদের ধরতে পারছিলাম না
ভেবেছিলাম তাদেরও নতুন করে সাজাবো
যদিও তাদের সাজ এমনিতেই আমার মনকে ক্ষত-বিক্ষত করেছে
কিন্তু এতেও মন অনুমোদন দিল না

সবই ঠিক আছে

শুধু তোমার জন্য গান গাওয়া হলো না
তোমায় একটিবার জড়িয়ে ধরা হলো না
তোমার আদর মাখা হলো না
তোমার সুরে একটা গান শোনা হলো না

সেদিন আসলে সবই হয়েছিলো
শুধু আমাদের মনের মিলনটা হয়নি

Written By: Md. Siam Mia
December 9, 2023
04:10 am

Dedicated to: Nur(Suropriya)